

"ARUBAANSE COURANT"
diariamente cu excepccion di
diadomingo.

subscription f. 3.25 pa luna.
edicion los 20 ct.

edita pa:

N.V. Arubaanse Drukkerij- en
Uitgevers- en Publiciteits Mij.
Nassaustraat 85 O'Stad Aruba N.A.

Imprimi na:
N.V. Drukkerij „De Stad“
Theaterstraat 11, Willemstad Curacao

Telefoon 1116 Directiva y redaccion.
2116 Anuncio y subscripcion.
Directeur: hoofdredacteur: D. Wolff.

ARUBAANSE COURANT



Diario pa



Aruba



NO WII!
FOR
COOLNESS
AIRCONDITIONING
Tel. 2170



Año 23

DIAS HUEBS 21 DI MAART 1963

No. 4595

SI PUEBLO DI ARUBA, LA ESPERANZA, E SUPERMERCADONAN CU SEMPER TA BENDE NA MES UN PRIJS, CU TA WORDE ANUNCIA NA RADIO

Reunion di conseho di NAVO Proposicion Ingles pa formacion di un potencia nuclear

PARIS, 21 maart — E conseho permanente di NAVO
a reuni ayera mainta na Paris. Di e 15 paisnan cu ta forma
parti di e conseho, cinco tabata representa pa nan minis-
ter di exterior, entre otro Hulanda pa minister Luns.

Segun minister Luns a declara des-
pues di e reunion na periodistanan
Lord Home di Inglaterra, a duna un
explicacion sumamente interesante tocan-
te formacion di un potencia nuclear.

Segun otro circulanon di NAVO minis-
ter Luns mes, y su colegaon Belgio,
Italia y di Luxemburgo tambe a ha-
ci declaracionnan importante.

Tur e oradornan a mustra riba ne-
cesidad di un union Atlantico y di re-
lacionnan estrecha entre Europa y Mer-
ca.

Nan a bisa cu e reunion tabata un
gran deliberacion politico den un am-
biente cordial.

Minister Luns a bisa tambe, cu e
conseho tabata di acuerdo, cu ta nece-
sario pa mantene relacionnan politico
entre Inglaterra y e paisnan di E.E.G.,
despues di e fracaso di e negociacion-
nan na Brusel tocante afiliacion di In-
glaterra.

Segun circulanon di NAVO Lord
Home a cuminsa su explicacion, cu a
dura binti minuut, cu un declaracion
cu Inglaterra quier euminsa cu un pa-
gina nobo, despues cu dia 2 di Januari
nan a sera porta di Europa di e seis
paisnan di E.E.G. pa Inglaterra na
Brusel.

Despues e minister a duna un explica-
cion di e politica Ingles cu Europa y e
papel di Europa den e pacto Atlantico.

Minister Spaak di Belgica a declara
ora cu e tabata sali for di den sala di
conferencia, cu Lord Home den su dis-
curso, a haci un promesa di fidelidad di
Inglaterra na NAVO y ademas a acentu-
a e firmeza di Inglaterra pa riba ter-
reno di defensa hunga papel di un po-
tencia Europeo.

Cu esaki minister Spaak a desment-
e impreson cu president De Gaulle a
expresa na Januari como si fuera Ingle-
terra door di e acuerdo di Nassau cu

Merca, a distancia su mes den punte
di bista militar, for di Europa.

Oferta Belgio-Hulandes
Hulanda y Belgica a ofrece oficial-
mente na Paris pa nan cada un contri-
bui cu dos squadron di straalgarnan d
e tipo F-104 na e potencia multilatera
y nuclear di NAVO.

Asina un noticia for di Paris ta bisa,
E oferta aki a wordu haci na e
sesion di conseho permanente di NA-
VO y pa ministerman di Asintu Exte-
rior di Hulanda y Belgica, mr. Luns y
Paul Henri Spaak, asina nan a participa
den circulanon di NAVO.

Sr. R. Maduro:

„CAMBIONAN SOCIAL TA NECESARIO NA ANTILLAS“

Senior Eddy Maduro, represen-
tante di Confederacion Latino Ameri-
cano de Sindicatos Christian na A-
ruba (CLASC), president di Arubaan-
se Chauffeurs Unie y secretario di
Unie van Havenarbeiders su opi-
nion tocante e peliger di comunismo
ta lo siguiente: „Mi no ta kere cu
comunismo por logra den Antillas,
pero si e situacion social y economi-
co sigui asina esaki por resulta. Pa
combati comunismo e esfuerzo no
tin di bin di un banda so, ta tempo
pa cambia e situacionnan social na
Antillas drasticamente.“

Plannan grandi
E anja aki CLASC na Aruba ta
spera di forma un federacion di e
bondnan di trahadornan na Aruba,
e.o. e tres bondnan cu ta forma e
e y tres otro bond cu pronto lo
worde forma. E federacion cu lo
worde forma lo tin e president y se-
cretario di cada bond como repre-
sentante. Di cada un di e bondnan
un representante lo hai Caracas pa
sigui un curso di „Algemeen Ont-
wikkeling“ esta un desaroyo general

bacion di e plan di diez anja tunta lugar
nan ta prepara y lo nan por cuminsa
un bes cu e destajo y construcion. Se-
gun nan ta spera e gastonan di e ex-
tension lo wordu teni bai di N.A.F. 2
millon.

600 peticion rechaza

Cuanto necesidad tin pa e extension
di acomodacion di hotel na Palm
Beach di Aruba e hecho ta testigu cu
Aruba Caribbean Hotel-Casino mester
a rechaza 600 peticion pa cuarto di
hotel pa motibo di falta di lugar du-
rante e temporada cu a pasa. Awor
ta mustra mas, manera e extension di
80 cuarto lo por wordu termina prome
cu e temporada nobo cu ta cuminsa
dia 15 di december. Despues di e ex-
tension Aruba Caribbean Hotel-Casino
lo conta 200 cuarto y 20 cabanja.

Geo Scott ta traha disenjo di extension di A. C. Hotel

ORANJESTAD, 21 maart — Arquitecto
Geo Scott di e firma Petrona en
Cros Aruba N.V. a hanja encargo pa
traha e disenjonan pa e extension di
Aruba Caribbean Hotel-Casino cu 80
cuarto. Ya el, a cuminsa cu esey. Ma-
nera nos sa, Aruba Caribbean Hotel-
Casino lo wordu extende cu 80 cuarto,
cual lo bini banda di e hotel den un
edificio aparto. E edificio lo keda com-
pletamente den e estilo di e hotel ac-
tual.

Como e realizacion di e extension di
hotel aki lo mester wordu financia cu
placa for di e plan di diez anja di A-
ruba, tambe aki nan ta spera riba e apro-
bacion di e plan aki. E tempo cu ta
mustra di bai perdi cu speramento, nan
ta usa awor mas mihor posibel door
di laga traha e preparativonan, cu sem-
per ta tuma hopi tempo. Ora cu e apro-

rior di Hulanda y Belgica, mr. Luns y
Paul Henri Spaak, asina nan a participa
den circulanon di NAVO.

Nan a declara di fuente diplomatico
di Belgica, cu nan lo duna avionnan
jet Belgio na NAVO, riba e mesun ma-
neta cu Inglaterra a pone su avionnan
di bombardero tipo 200-V disponibel.

Hulanda, Belgica y Alemania West
ta fabrica F-104 pa nan forzanon di
guerra.

Alemania West a bisa cu e lo en-
trega su avionnan dje tipo F-104 na
NAVO, pero te ainda e no a haci un
overta oficial.

Merca a ofrece tres submarino carga
cu raket Polaris.

y tambe desaroyo di sindicatos,
despues di cual nan por bin sinja e
membreonan di nan bond. Un otro
plan ta pa 6 trahador di „Haven Ar-
beiders Unie“, tuma un curso den
„Promer Ayudo den caso di Emer-
gencia“ sera Rode Kruis na A-
ruba, pa den caso di accidente nan por
yuda nan colegaon di trabao.

Union di trahadornan
Senior Eddy Maduro a splica
cu den un bond e trahadornan tin
mas forta, pero mientrastanto cu
nan no a uni, nan no por haci nada
individualmente. El a duna un e-
jemplo di e trahadornan den tienda,
esta e bendedornan etc., cu tin bia-
ha no ta wordu paga of paga segun
e convenio entre trahador y duna-
dor di trabao, toch no por haci mu-
cho cos. Unabez cu nan tin un bond
hon forma cu ta encabeza tur e ben-
dedornan, e mal usonan aki di tra-
hadornan por wordu combati. Tam-
be ta existi e plan pa un bond di ofi-
cialistanan cu e.o. lo inclui e ban-
keronan etc., tambe un bond pa cria-
nan cu segun senior Eddy Maduro
ta un di e grupo di trahadornan cu
sigur tambe mester di un bond cu
lo bringa pa nan derechonan. Hori
biba muchanan di 15, 16 anja di
edad ta haci trabao di cria cu ta
mucho pisa pa nan, nan ta haci tra-
baonan cu ta trahadornan pa hende di
mayor di edad, pero toch nan ta wor-
de paga un prijs di mucha, loke ta
un abuso di trahadornan y den e
caso aki di criaturanan. Casi ningun
di nan ta protegi socialmente. Ora
nan cai malo, mayor biba nan ta
wordu kita for di trabao automati-
camente.

Cambionan social
Senior Maduro ta sigui bisa: „E
leple social di anja 1963 no ta com-
pleto pa e tempo aki, costo di bida
a subi mientras cu e „rate“ bieuw
a keda mesos. Esaki ta perhudu-
cando e obreronan y ta causa des-
contento, cu den hopi paisnan a re-
sulta den comunismo“. Aunke sen-
ior Maduro no ta kere cu comunis-
mo por logra den Antillas.

El a termina hisando cu e ta spe-
ra cu pronto e diferente gruponan
di trahadornan na Aruba lo com-
prende cu unabez cu nan tin un
bond hon forma, nan lo por logra
hopi mas den nan esfuerzonan pa
un mehoramento di nan bida social.

CARIBE PA MR. V.D. VOORT

ORANJESTAD, 21 maart. — E
directiva di Caribe Club a busca e
intermediacion di Mr. P.P.C. van de
Voort pa logra i hanja e scoring
sheets di e burado cu a eligi e reina
di carnaval for di CCCA pa contro-
la nan. Directiva di Caribe a pidi Mr.
Van de Voort pa haci tur loke ta
posibel pa jega na e obheo aki sin
haci uso di huez. Loke e directiva
menciona ta desea ta pa CCCA du-
na e listanan pa nan wordu controla
conhuntamente pa e directiva di
Caribe Club, un delegacion di
CCCC y un comision neutral, cual
ainda mester wordu nombra.

REUNION TERRITORIAL DI LIONS NA ARUBA

ORANJESTAD, 21 maart. — Dia-
domingo awor e Clubnan di Lions di
e islanan Aruba, Bonaire y Curacao
lo tene nan reunion territorial na
Aruba. E encuentro lo tuma lugar
merdia den e restaurant flotante
„Bali“. Di e club di Curacao lo bi-
ni e president Mr. Th. Simoons y
secretario Drs. H.J. Sprock; di Bo-
naire lo ta presente president Mr. A.
Wouters y di e club di Aruba pre-
sident Max Arends, tesoro Oscar
Marugg, secretario Dick Tuschick y
e vice-gobernador di e distrito Theo
Hese. E reunion lo ta den man di
president di territorio W. Breusers
di Curacao.

Binao
Dia 6 di april venidero e dama-
nan di Lions Club Aruba lo organiza
un tremendo bingo drive den Aruba
Tivoli Club.

VACACION DI VERANO DI S.C. 1 JULI - 23 AUGUSTUS

ORANJESTAD, 21 maart. — E
programa di vacacion di verano, cua
ta ser organiza tur anja pa e juven-
tud di Seroe Colorado lo duna e anja
aki di 1 juli pa 23 di augustus.

E programa ta wordu traha actual-
mente pa un comite cu ta consisti di
senjores T. B. Donahue como presi-
dente y ademas J. R. Carroll, C. C.
Dunlap, J. I. Lankford, T. Hegenbarth
y J. Tricario y damas W.H. Norris y
K.O. Olivers.

Phil Pekon: 3000 hende lo bini Aruba na fin di anja

ORANJESTAD, 21 maart — „Aruba, den bista di
turismo, no ta un baby mas, pero completamente adulto.
Awor ta na man di e habitantenan y circulanon comercial
di e isla aki pa actua“. Segun senior Phil Pekow a de-
clara dialuna anochi durante e reunion di Rotary na Troca-
dero. Phil Pekow ta vice-presidente di e conseho di direc-
tiva di Executive House Inc., e compania principal di Con-
dado Beach Hotels Inc. Sr. Pekow a haci algun revelacion
importante durante su causeria corticu: e.o. e jegada di
3000 ganador di premio for di Merca pa Aruba na fin di
1963.

Un acuerdo a wordu firma cu Aruba
Caribbean Hotel pa e tres mil bende-
nan aki bin goza di un vacation den
Aruba Caribbean Hotel-Casino den lu-
nanan di september, oktober y novem-
ber di e anja aki. E huespednan aki
ta 1500 bendedorn di Fedders aircon-
ditioners na Merca, cu a gana un trip
pa nan mes y un hende mas pa Aruba
door di nan ventanan. Senior Pekow a
pidi e comercio di Aruba pa durante
e tempo ey tin basta provision dispo-
nibel pa e grupo di turista importante
aki no wordu decepciona.

Jack Benny

Ademas senior Pekow a anuncia cu
Aruba por spera pronto un bishita atra-



Weekend pasa pa prome bisha Stuyve-
sant Art Gallery a ser habri pa publico
den Nassaustraat. Riba e portret mana-
ger int. C. de Milder huntu cu un parti

di e coleccion di hardewerk y pintura.
E otro portret ta mustra e casita tipico
Arubana na unda e paens di arte ta
situa.



J. M. B. HOWART A FALLECE

SEROE COLORADO, 21 maart. —
Segun un publicacion den Pan-Aruban
a fallece dia 8 di maart u.p. despues
di un enfermedad largu J.M.B. Ho-
wart, ex-manager di Lago's Marine
Dept., na edad di 51 anja. E tabatin
e puesto menciona di december 1942
pa februari 1946. E fallecido tabata
biba ultimamente na Oyster Bay den
e estado New York.

EMPRESANAN HUBENIL LO CUMINSA PRONTO

ORANJESTAD, 21 maart. — E
cuater empresanan hubenil cu ta ser
di sponsor pa firmanan grandi, segun
nos a wordu informa lo drenta den ac-
cion pronto. E sponsornan ta cono-
ci (Lago, H.B.U., Bouwmaatschappij
„Aruba“ y Petrona & Croes), y e con-
seheronan a ser stipula y prepara.
Pronto nan lo pidi hobennan, cu kier
duna nan forzanon pa un di e empre-
sanan. Esaki ta di dos bisha cu em-
presanan hubenil ta ser establece na
Aruba.

REISVERENIGING PA PUERTO RICO

ORANJESTAD, 21 maart. — Dia 12
pa 18 di april, esta den vacation di
Pasco, Antilliaanse Reisverening lo
organisa un viahe na Puerto Rico. E
participantenan lo ser acomoda ala na
Olympic Court Hotel, mientras tambe
ta inclui den e prijs di nan viahe dos
excursion, esta un na San Juan Viejo y
un otro pa El Yunque.

NOTICIA DI POLIS

Caballero contra cadushi

URATACA. — Diamars ardi 10
pa cuater asistencia di polis a wor-
de pidi na Urataca, pa un caballero
burachi cu a camina yega na un cas
na sanger. Ora polis a yega ayunan
nan a constata un caballero cu ta-
bata burachi y cu a camina dal contra
di un trankera di cadushi. E tabata
tin diferente heridanan chiquito cu
tabata sangra. El a hanja un cuar-
to gratis pa saka wajaba.

FATUM — Tel.: 1845 pa tur bo aseguronan

A hanja
Senior Slenr a hanja un etui cu
dos yabi cu a wordu entrega na war-
da di polis na Oranjestad.
Senior A. Thijssen a hanja un
„ficha“ di Confab number 6-149
den Schwelmeckstraat. Sra. Van der
Boesch, cu ta biba na Spaans Lagoen
No. 1 a hanja den su etui un pala-
ma di Post. Na su pia e animal tin un
renchi cu marca „Curacao 3103“. Na
e otro pia tin un band di elastiek
cu marca 615-C.

Si comercio lo yuda carga e gas-
tonan aki confiando cu e placa inver-
di e moda aki lo sali atrobe for di e
compranan aumentan, anto e turismo
for di Venezuela lo wordu stimula hopi
y jega na un punto importante. Tabata
den e relacion aki cu sr. Pekow a ob-
serva cu e periodo di mucha a pasa pa
Aruba y cu awor a jega e momento pa
traha mas serio. Esaki ta bal pa com-
mercio pero tambe pa hopi otro faec-
toman di e economia di Aruba. „Actual-
mente, segun sr. Pekow nan ta na pun-
to pa mehora e aeropuerto, pa asina
e jetnan di turista cu jega na Aruba
por ateriza. Kiko un aeropuerto pa jet
ta juda nos, si Aruba no tin e acomoda-
cion di hotel pa ricibi e centenares y
miles di turistanan mas, cu lo yega?“

Muchanan atrasa

Ora cu senior Pekow a ricibi e pla-
quette di Rotary na fin di su discurso,
el a observa, cu e tabata mes agradeido
cu ora e Philip Pekow Hall a ser ina-
gurata riba terreno di Universidad di
Chicago, i edificio aki tabata special-
mente destina pa muchanan atrasa. Der
e relacion aki el a observa cu si tin
muchanan asina na Aruba, lo ta bor-
pa tonta contacto cu e Universidad aki.
Probablemente e muchanan aki lo por
hanja ayudo especial.

Venezuela

Venezuela a ser jama un pais impor-
tante di turismo pa Aruba. Orador a
splica extensamente con nan a haci
un prueba anja pasa pa stimula e turis-
mo for di e pais aki door di primin-
ti e turistanan di aja, un rebaho espe-
cial. Sin embargo a resulta cu anke
124 persona a haci uso di e ehens aki,
e cargo tabata mucho pisa pa e hotel



Durante un concurso di caza na Inglaterra, e cabai „Olympic“ a tira su jockey abau. E cabai a trompeca despues di e ultimo barricada.

MEDIDANAN NOBO CONTRA CUBA

SAN JOSE, 21 maart — Merca y e seis paisnan Centro-Americano lo expande nan vigilancia riba laman y den taria cu evita expansion di actividad subversivo comunista for di Cuba riba America Latina.

Dentro di awan territorial esey lo worde intercepta, asina un declaracion oficial di San Jose, cu nan a publica despues di e conferencia di dos dia entre president Kennedy y e lidernan di e seis paisnan.

E declaracion ta bisa ademas, cu na april nan lo tene un reunion pa prepara medidanan nobo tocante viahenan pa Cuba door di habitantenan di e shete paisnan en kestion. Nan lo pone un control mas severo riba pasaportenan.

Ademas nan lo papia na e reunion cu nan lo tene na april tocante un intercambio mas rapido di informacionnan y movimentacion di personanan.

Nan lo papia na e reunion di april tocante e propaganda di Cuba, transporte di armanan y placa entre Cuba y e paisnan en kestion, y nan lo trata pa hanja cooperacion di e sobra 13 paisnan di e organizacion di estadonan Mericano pa combati e accionnan ey.

E declaracion cu nan a publica ta bisa cu mester apura e integracion economica. Nan lo trata di un union

adonanera pa haci e accionnan di e Mercado Comon di America-Central mas facil.

President Kennedy a priminti yudanza financiera nobo pa e programa economico Americano.

ACCIONNAN CONTRA CUBA

WASHINGTON, 21 maart — Merca ta fuertemente contra e accionnan chiqui di gruponan di exiladonan Cubano contra e isla, asina e ministerio Mericano di exterior a participa.

Nan lo haci un investigacion tocante e ultimo suceso den cual e grupo Alpha 66, a bisa di a ataca un haf na parti noord di Cuba y a mata algun Ruso.

Segun e ministerio e clase di asalto ey ta traha na favor di comunismo na Cuba.

Un portavoz di e Exiladonan Cubano a declara, cu nan lo sigui cu e accionnan pa tene e speranza bibu serca e Cubanonan cu lo por tin un eventual liberacion.

E portavoz a haci e declaracion aqui algun ora despues di e declaracion di ministerio Mericano di Exterior.

VICTIMANAN NA BALI

DJAKARTA, 21 maart. — Segun e ultimo noticianan for di e isla Bali, e volcan Agung a stop di traha despues di un luna di terrible erupcion.

President di Cruz Roja na Indonesia, Soemarno, a bisa periodistanan cu e cantidad di morto ta 151, 100 persona ta herida. Lava a destrui tur cos den un radio di 30 kilometer rond di e volcan.

Gobernador di Bali, Soetedja, a bisa awe na Djakarta, cu e volcan „Agung“ ta ainda ta forma un peligro, y cu e 250.000 hendenan cu ta biba na e parti oost di e isla ta worde amenza door di e lava ku ta sali for di e volcan.

AVION DI REY SAOED A CAI

NICE, 21 maart. — E Comet 4 di Rey Saoed di Saoudie Arabia, a cai riba cumbre di e seri Argentina seis kilometer for di e Col de Larche na Francia. E avion a caba di hiba Saoed di Geneve pa Nice y e tabata na caminda pa Geneve back ora cu el a cai. E avion a sali di Nice pa bai bishar e sobra miembronan di e sequito di Rey Saoed. Nan no sa ainda cuanto hende tabatin bordo di e avion na momento di e desastre.

Di fuente oficial nan a participa na Nice, cu e Comet a cai den e territorio di Monte Maitto cu un distancia di 25 kilometer for di Coni.

Un miembro di e sequito di Rey Saoed a bisa na Lausanne cu tabatin shete pasahero abordo. Nan no ta miembro di e familia real. E tripulacion di e nave ta consisti di shete persona.

Principe Mansoor, un yiu di Rey Saoed, a participa awe durante un conferencia di prensa na Nice, cu tabatin abordo dje bapor cu avion cu a sufri accidente nubes miembro di tripulacion y nubes pasahero. No tabatin abordo ningun miembro dje familia real. E avion, aki a sufri accidente despues cu Rey Saoed di Saoudi Arabia a worde hiba di Ginebra pa Nice na zuid Francia.

E PROXIMO ELECCIONNAN NA SURNAM

PARAMARIBO, 21 maart — Dia na awor 25 maart mas di 150.000 persona, cu ta riba e lista di votadonan na Surinam, lo bira eligi pa eligi un representacion nobo pa pueblo.

Pa Staten di Surinam nan lo eligi e dia ey 36 miembro. 21 Miembro di e congreso lo worde indica e biaha aki door di un eleccion „open“ e sistema „persona di tipo“. E sobra 12 miembronan lo worde eligi via di e sistema partidario nacionalmente.

E colegio di Staten na Surinam ta consisti actualmente di solamente 21 miembronan, cu a worde eligi via di e sistema persona pa distrito.

Especialmente door di e sistema electoral nobo ta dificil pa pronostica resultado di e eleccionnan e biaha aki. E lucha grandi ta lo entre e „Nefron“ (en ta consisti di Partido Democratico di Surinam, Partido Popular di Surinam, e Grupo di Accion Independiente).

DEFENSA DI SUR AFRICA

KAAPSTAD, 21 maart. — E gastonan di defensa di Sur Africa lo yega e suma aki te na un total di 157 miljon pond, contra 122 di e aña pasa.

Esaqui ta e prijs enorme cu nos mester paga pa defende nos contra agresion di exterior, asina e minister di defensa di Sur Africa, Danges, a bisa awe den Parlamento.

Di tres Oranjestad, Partii y e Sociedad Electoral „Win“ y e partido nan cu lo coopera cu otro cu ta Partido Nacional di Surinam, Partido Progresivo Popular di Surinam, Partii Huidistam Unid y e Partido Kruis Tam Persatuan Indonesia.

E partido Republica Nacionalista ta participa 40 so na e eleccion. Por le general nan no ta quere cu e partido aki lo por sali victorioso.

SANTOS CAMPEON DI BRASIL

SAO PAULO, 21 maart. — E club di Pele, F.C. Santos, ayera noch a gana contragosto di futbol na Brazil derrotando Botafogo, club di Garrincha, 4-2. Garrincha no a participa na e encuentro.

Santos a hinga ayera noch cu su formacion mas fuerte den cual entro otro Gilmar, Mauro, Zito, Dorval, Coutinho, Pele y Pepe.

Garrincha su ausencia ta entre otro causa di un conflicto entre e y e directivo di Botafogo. E asunto a cuminsa ora cu durante di un training de 1 y periodo preparativo pa e partidonan contra Santos, Garrincha a bandona e campo di entrenamiento sin bisa nada. Garrincha quier quita tur lazaronan di Botafogo, pero directiva di e club no quier lighe bai y Garrincha tin cu cumpli cu su contract prome cu e por bandona e club sin aprobacion di e directiva.

DELIBERACION FINANCIERO ENTRE BRASIL Y MERCA

NEW YORK, 21 maart. — E minister Brasilenjo di finanzien, Dr. Francisco Dantas, a declara na New York cu e deliberacionnan financiero cu Merca ta sigui den un atmosfera di comprension mutua y di confianza.

E ta confia cu e negociacionnan lo termina cu exito y cu e lo por regresa Brasil na fin di e siman aki. Asina Dantas a bisa na un miin cu prensa.

Anteriormente departamento di estado a declara cu cooperacion estrecha entre e dos paisnan ta di e mas grandi importancia. Na su charla cu representantenan di prensa minister Dantas a acentua cu e comunislanan tin cinco representante den e congreso Brasilenjo, cu ta consisti di 400 miembro, pero nan no ta influencia gobierno. Minister Dantas ta negociando cu Merca tocante pago di debenan.

YABI

pa bo exito

Avisa den ARUBAANSE COURANT y compara e resultado!

PANAMA STORE

tin un surtido grandi di cumu. Cumu completo cu colchon pa un persona for di f 47.50 pa riba.

Tambe cumu pa dos persona, na prijs for di f 95.— pa riba.

A cuba di lega un embarque nobo di TIRE den TUR SIZE na prijsnan especial.

BELGONAN TA JUDA MINERONAN FRANCES

PARIS, 21 maart. — E organisacion nan Belgio di traha a cuminsa cu envio di pan pa e mineronan Frances ku ta huelga. Nan a carga e pan den un fila di trucknan di carga na e ciudad na frontera entre e dos paisnan, Baisieux, y di ey nan a hiba nan pa e ciudad Frances Lens.

CUBA TA PONE MERCA RESPONSABLE

MAINTI, 21 maart. — Den un comunicado transmisi awe pa Radio Havana y edita pa forza militar di Cuba nan ta pone Merca responsable pa e ataque di diadomingo anochi door di bapornan pirata riba un bapor di carga Ruso y pa e consecuencianan, cu esey por trece segun Radio Havana nan a tira riba e bapor Ruso cu seopernan automatico y tambe cu armanan di 20mm, mientras cu e tabata descargando.

Den e transmision nan no a menciona nada di un atake riba campamentu ruso ni tampoco di victiman, manera exiladonan Cubano a participa.

Tur Material di Construccin

pa fundeshi te na dak ho ta hanja serca nos den gran surtido.

Nos lema ta: CALIDAD Y TOCH NA PRIJS RAZONABLE.

● Nos ta entrega bo pedido denter di 24 hora!

JAMA:
Oranjestad tel: 1145
San Nicolas tel: 5635
ANTILLIAN MERCANTILE CORP. N.V.

CASONAN DI TYFUS NA HULANDA

DEN HAAG, 21 maart. — Actualmente tin cuater caso di typhus na Hulanda, tres di nan na Rotterdam tabata conoci caba, pero nan tabata duda di e caso un patient cu a worde hospitalisa na Den Haag pero awor ta sigur cu e tambe ta sufri di typhus.

Tur e patientnan a hanja e enfermedad den e centro deportivo Zermatt na Suiza.

ACTIVISTANAN FRANCES A REGRESA MADRID

MADRID, 21 maart. — Tes miembro di e organizacion di chereho secreto na Francia, cu en vano a trata pa hanja asilo politico na Venezuela, Argentina of Chili, a regresa Madrid awe cu avion.

Polisnan di Madrid a bai cu nan tres y un otro miembro di chereho secreto cu a viaha pa Argentina na nan yegada na aeropuerto di Madrid.

TYFUS NA DUESSELDORF

DUSSELDORF, 21 maart. — Nan a constata cu dos habitante di Dusseldorf cu tabata na Zermatt cu verlof, ta sufri di typhus.

Manera ta anuncia basta dia caba, tin un epidemia di typhus den e centro deportivo Zermatt na Suiza.

Na Inglaterra, Hulanda y un otro parti di Alemania Occidental — Muenchen — e hendenan cu tabata na Zermatt a hanja typhus.

Bo mester di un radio personal, pa oficina, pa camber? Anto nos tin un SIERA pa bo, SI e ta SIERA e mester ta bon. Pa informacion pasa na CASA ELECTRONICA (Banda di Viana) - tel. 5371

Materiales di construcion di calidad y na prijs atractivo esey ta solamente na

PETRONA & CROES

the style leader in room air conditioners

CHRYSLER AIRTEMP SLENDER

- Maximum cooling in minimum space
- First room air conditioner that THINKS
- lower current consumption
- EASY TERMS

ARUBA TRADING COMPANY

„SANTA PAULA“ y „SANTA ROSA“, bapornan moderno di GRACE LINE, semanalmente ta trece turista y carga pa nos isla.

● Usa e servicio eficiente di GRACE LINE y biaha via GRACE.

Agente:

EMAN TRADING CO. INC

Oficina tel: 1156-1554-5054-5055
Dock tel: 2135

CISCO KID presenta pa cortesia di **ARUBA BOTTLING COMPANY** e promer fabrica di refresco na Aruba, cu e produccion mas gusta y mas pidi. **NESBITTS** e refresco sin igual.

PEPITA pa cortesia di: **Antillian Hardware Co**

E mehor adres pa VERF, KWASHI, TUR CLASE DI HERMENT, articulos sanitario.

NOW THE BEST IS EVEN BETTER!

HEINZ BABY CEREALS

now packed in aluminum foil wrappers for your baby's added protection!

The baby food doctors recommend! Now... Heinz offers you more than 100 delicious ways to vary your baby's menu. All are outstanding for flavor!

YOU KNOW IT'S GOOD BECAUSE IT'S HEINZ!

Distribuidor: **ARUBA TRADING COMPANY**

CARNAVAL COMITE Y SU PROBLEMA

ORANJESTAD, 21 maart — Señor A. B. Kuiperi, presidente di Club Caribe, kende personalmente a mira e desamor di e dificultadnan entre e club aki y Comité Central di Carnaval di Aruba di masha cerca, en cuestion cu e eligimiento di Reina di Carnaval di Aruba pa aña 1963, ayera a duna nos su punto di bista personal den forma di un remitido. Aki bati nos ta publica e relato di e echaonnan despues di e eligimiento entre diabierna 22 y diabiernes 26 di Februari, manera cu nan a worde constata pa señor Kuiperi. E remitido aki segun señor Kuiperi a bisa nos, mester worde mira como su punto di bista personal, y no mira como un contesto ariba e articuloan cu C.C.C. a publica ayera. Ta worde spera cu pronto e directiva di Club Caribe lo duna su contesto oficial ariba e publicacionnan cu C.C.C. a haci recientemente.



INDICIO PA CHECK E SCORESHEETS

Despues cu e jury a termina su conferencia na eligi e Reina di Carnaval di 1963, na e cabez di tripi dilanti di e sala di conferencia di Wilhelmina Stadion diabierna anochi 22 di Februari 1963, Sr. Daniel Leo, secretario di Central Carnaval Comité Aruba (C.C.C.A.), a expresa lo siguiente na mi persona:

"Awe nochi nos ta bai balla poco den club di un reina, 'botao'. Mi ta bisabo no, e decision verdaderamente tabata 'close' pero mi ta di acuerdo cu ne".

Na e momento ei, sinceramente mi no sa papiko, pero mi pensamiento a pasa riba e desibel eleccion di Srta. Maria Ruiz. Despues di e eleccion y presentacion di Srta. Marugg como Reina di Carnaval, na e momento ei tur e candidatanan ta den nan auto respectivamente pa sali for di den Stadion, mi a contra cu Sr. Daniel Leo y a bise lo siguiente: "Swa, awe nochi bo ta bai balla un poco na Tivoli Club anto!!" Sr. Leo a reaccionar cu un sonrisa y sin contesta nada a continua su caminda.

Pafor di Stadion dilanti di e entrada principal, despues di e terminacion di e ceremonia di eleccion di Reina di Carnaval, mi a contra cu Sr. Miguel (Gechi) Pietersz, miembro di C.C.C.A., na kende mi a expresa cu mi tin un "voorgevoel" cu tin un fout hasi y cu lo mi pidi pa check e scoresheets di e jury. Sr. Pietersz cu su tradicional cortesia a dunami di comprende di tin tur derecho di pidi esei. Na mi cas mi a informa mi senjora di e resultado final pa eleccion di Reina y a la vez a bolbe expresa mi presentimiento cu un error a worde cometi y cu mi ta bai pidi pa check e scoresheetnan. Despues di mei anochi di Diabierna 22 di Februari '63, pa aproximadamente 12.30 a.m., mi a yama Tivoli Club pa papia cu Sr. Yanchi Arends, presidente di C.C.C.A., pero despues di a worde informu cu Sr. Arends no tabata presente, mi a puntra pa papia cu Sr. Daniel Leo, secretario di C.C.C.A., kende a bin na telefon y mi a punte, como presidente di Club Caribe, si mi por check e scoresheetnan di e jury, lo cual a worde acepta pa Sr. Leo. Mi a puntra Sr. Leo si tabata tin mas miembro di C.C.C.A. presente na Tivoli e momento ei y riba su informacion cu ambe tabata presente Srs. Bibi Lopez y Juchi Luydens, Sr. Leo a acepta mi proposicion pa mi pasa buscanan tres pa bai check e scoresheetnan na Stadion. Mi a ofreece Sr. Leo pa pasa busca Sr. Johnny Oduher, stadionbeheerder, pa habri stadion pa nos y tambe pa mi pasa busca Sr. Urbano Maduro, penningmeester di C.C.C.A.

Acompaña pa Srs. Manchito Ponson, Johnny Oduher y Urbano Maduro, mi a pasa busca Srs. Daniel Leo, Bibi Lopez y Juchi Luydens, tur tres miembro di directiva di C.C.C.A., dilanti di Tivoli Club pa dirigi nos pa Stadion. Entre 12.30 a.m. y for di mariduga di diabierna 23 di Februari '63, den oficina di e stadionbeheerder y den presencia di e siguiente 6 personalnan, Srs. Manchito Ponson, Johnny Oduher, Daniel Leo, Bibi Lopez, Bibi Lopez, Juchi Luydens y Urbano Maduro (e ultimo cuaternan aki tur miembro di directiva di C.C.C.A.), nos a check e scoresheetnan un pa un y a yega na e hecho veridico y palpable cu nada menos cu 5 (cinco) scoresheetnan legalmente por perde nan validez. Den e 5 (cinco) scoresheetnan aki a aparece uno na favor di Srta. Marugg cu un total di 46 puntos y cu tabata firma pa Srta. Fiedeler. A pesar cu e cifra total di e scoresheet aki tabata alcanza 46 puntos, solamente un cifra tabata aparece como punto individual duna pa "carriage". E punto aki tabata 10. Cu otros palabra riba e mencionado scoresheet aki a worde constata y te ainda mester por worde constata cu 10 mas NADA, mas NADA, mas NADA, mas NADA, mas NADA, ta suma un total di 46. Un calculacion cu e estúpido di mas destaca desde luego no por ta di acuerdo cu ne!! Ta di comprender ei e errornan aki constata den e scoresheetnan di e jury a sacudi e 4 (cuater) miembronan di directiva di C.C.C.A. y e miembro cu mas a worde afecta pa e descubrimiento fatidico aki, tabata Sr. Daniel Leo cu a demostra su preocupacion verbalmente pasobra tabata su persona kende a pidi Srta. Fiedeler pa actua como miembro di e jury. Muy notable ta cu di e 8 (ochu) scoresheetnan cu e Sra. aki a traha, nada menos cu 4 (cuater) ta malo, loke ta hasi nan perde nan validez. Durante di e cambio di impresion tocante e topico di e momento ei, mi a puntra Sr. Daniel Leo, ta con e personalnan cu a actua den e jury a worde nombra y a haya como contesta cu cada miembro di C.C.C.A. a worde permiti pa nombra un persona NO RESIDENCIA aki na Aruba. Sabiendo cu den e jury consistiendo di 7 (sete) persona tabatin uno cu SI ta residencia aki, mi a puntra Sr. Leo ta cual di nan a nombra Sr. Mohammed, actualmente griffier empleado di Gobierno aki na Aruba, hayando como contesta for di e persona di Sr. Daniel Leo, cu Sr. Mohammed a worde escogi pa Sr. Yanchi Arends. Durante di e conversacion den oficina di e stadionbeheerder a worde sugeri pa yama Sr. Yanchi Arends pa presencia personalmente e descubrimiento fatidico, pero ningun di e 4 (cuater) miembronan di directiva di C.C.C.A. tabata dispuesto pa yama Sr. Arends e mainta siguiente (diabierna) pa pone na altura di loke a tuma lugar.

Controlacion nocturno Sr. Arends no sei

Diabierna mainta mi a hasi mi prome yamada na cas di Sr. Yanchi Arends sin resultado, despues mi a yama dobiaba na oficina di Sr. Arends hayando contesta for di fun mucha homber cu Sr. Arends no sei y cu e ta kere cu Sr. Arends lo ta for di oficina hentera dia. Despues di a hasi mi di 4 (cuater) yamada y esun di 3 (tres) na oficina di Sr. Yanchi Arends mi a pidi pa papia cu e senjora di Sr. Yanchi Arends, kende a informami cu su esposo a sal tempran for di cas y cu e no sa na unda e ta. Sra. Arends a puntrami si ta algo cu e por hasi pa mi y mi a contesta cu ta algo cu mester worde trata personalmente cu Sr. Yanchi Arends como presidente di C.C.C.A., pasobra tin un problema cu e eleccion di Reina di Carnaval di diabierna anochi, y cu ta interesami di papia cu Sr. Yanchi Arends urgentemente.

Algun minut despues di a termina mi conversacion cu Sra. Arends, mi tabata tin e placer di ricibi un yamada di Sr. Yanchi Arends, presidente di C.C.C.A., kende mi a informa di mi peticion hasi na e secretario di C.C.C.A., Sr. Daniel Leo y loke a worde constata riba e scoresheetnan.

Sr. Yanchi Arends inmediatamente a demostra su indignacion pasobra Sr. Daniel Leo a permitimi weita e scoresheetnan pasobra segun e (Sr. Arends) ningun hende mag di weita e scoresheetnan prome cu 24 hora despues di e eleccion di Reina di Carnaval pasobra esaki por afecta e eleccion pa Miss Aruba Caribbean cu lo mester tuma lugar e anochi ei (diabierna) den Aruba Caribbean Hotel. Riba mi insistencia na Sr. Yanchi Arends cu C.C.C.A. ta responsable pa e buena marcha di Carnaval y desde luego tambe responsable pa un resultado correcto den eleccion di Reina di Carnaval, Sr. Arends ta insisti cu ta e jury ta escoge e Reina y cu ta nan tin tur responsabilidad. Sin por yega na un acuerdo entre mi persona y Sr. Arends si e of ami tin razon, Sr.

Arends a agrega manifestando cu e eleccion di Srta. Marugg tabata un sorpresu p'e ya cu e a simpatiza cu un resultado na favor di Srta. van Heeswijk y cu si mi no ta kere esei lo mi por puntra Sr. Urbano Maduro na kende Sr. Arends a duna e meyor opinion.

Tocante di e punto aki, mi a bise Sr. Arends cu su simpatia pa e eleccion na favor di Srta. van Heeswijk no tin nada di hasi cu e errornan descubri riba e scoresheetnan. Sr. Arends despues a declara na mi persona cu pa mi informacion e ke largami sa cu e NO A PIDI NINGUN HENDE PA ACTUA COMO MIEMBRO DI E JURY!! Riba e remarca aki, mi a puntra Sr. Arends, si tampoco e a pidi Sr. Mohammed pa actua como miembro di e jury y e ora ei, Sr. Arends a contesta lo siguiente:

"Ah si, ta verdad, mi a lubida, mi a pidi Sr. Mohammed!!" Desde luego riba tal reaccion, mi ta considerami cu suficiente razon pa pensa cu Sr. Arends, en relacion cu e nonbramento di Sr. Mohammed como miembro di e jury, a trata di evita pa bisami e verdad. Despues di un intercambio di palabrad entre Sr. Arends y mi persona, a keda combinu cu Sr. Arends lo bini cerca mi nani trabao pa nos bai busca e scoresheetnan na Stadion y despues acudi cerca Srta. Fiedeler na Aruba Caribbean Hotel.

Pa 9.40 a.m. mas o menos, mi tabata tin e honor di haya e bishita di Sr. Arends na mi trabao pero bisando ku mi mester ta na vliegvelo pa mas tarda 10.15 a.m. pa ricibi un avion cu lo bin pa Lago, mi a propone pa nos bai cerca Sr. Ruben Mansur, vice-president di Club Caribe, na Mansur Trading, pa mira si Sr. Ruben Mansur lo por bai acompaña Sr. Arends pa bai Stadion y despues pa bishita Srta. Fiedeler na Aruba Caribbean Hotel. Lamentablemente Sr. Ruben Mansur, pa motivo di compromiso comercial, tampoco por a cumpli cu e mision ei. Durante di e conversacion na Mansur Trading Co., den presencia di Sr. Ruben Mansur, mi a sugeri Sr. Arends pa contacta Sr. Albert Raven, presidente di Aruba Tivoli Club, ya cu e reina eligi diabierna anochi tabata un candidata di e club aki, pa huntu cu un otro miembro di directiva di Aruba Tivoli Club y huntu cu Sr. Mansur y mi persona, nos tur bini huntu pa discuti e asunto aki y mira kiko por worde hasi, evitando di e manera ei un perjuicio pa C.C.C.A. y un mal entendimiento entre Tivoli y Caribe.

Nonsens

Lamentablemente, Sr. Arends a reaccionar bisando cu e no ta mira e necesidad di envolbe otro persona den e asunto aki y a nega mi proposicion agregando lo siguiente:

"Ademas, mi a consulta cu mi conchero juridico y e a bisami cu loke Caribe ta pretende ta nonsens pasobra tur e scoresheetnan ta bon y si Caribe no ta satisfecho e por wel hiba e case dilanti di huez y nos lo weita con te para".

Esaki ta palabranan pronuncia pa Sr. Yanchi Arends, presidente di C.C.C.A., den Mansur Trading Co. diabierna mainta pa mas o menos 10.00'or den presencia di Sr. Ruben Mansur, vice-president di Club Caribe. Riba esaki mi a reaccionar bisando Sr. Yanchi Arends cu "mi ta basta grandi pa mi por acepta e pretencion di Sr. Mohammed, cu 10 mas nada, mas nada, mas nada, mas nada, ta hasi un total di 46 puntos, manera ta aparece riba e scoresheet di Srta. Fiedeler na favor di Srta. Marugg. A menos cu Sr. Mohammed a hereda un combinacion di e famoso sabio EINSTEIN cu ta confirma e resultado di e som aki!!". Finalmente a keda combinu entre Sr. Arends, Sr. Ruben Mansur y mi persona, cu Sr. Arends lo pidi Srta. Fiedeler pa actua e atardi ei (diabierna) como miembro di e jury na San Nicolas y cu mi persona, Sr. Arends y Srta. Fiedeler, lo reuni pa 1.30 p.m. den Lago Sport Park tocante di e asunto aki. Sin embargo mi a recorda Sr. Arends, cu mi ta sperando un avion pa Lago 10.30 a.m. y un otro avion pa 12.00 p.m. y como e ultimo avion aki si ora di salida no tabata stipula, por tin e posibilidad cu lo mi yega laat na Lago Sport Park y si en caso mi no por bai, Sr. Ruben Mansur lo acudi nani lugar.

Despues di a termina mi compromise na vliegvelo, mi a pasa na cas di Sr. Johnny Oduher pa un paar di minut despues di 2.00 p.m. y a worde informu cu Sr. Oduher a caba di sali pa Stadion pa contra cu Sr. Arends. Inmediatamente mi a tuma rumbo pa Stadion, contrando cu Sr. Johnny Oduher pariba di cas di Sr. Jan Lacle na Montplaisir y riba mi pregunta mi a worde informu cu Sr. Yanchi Arends a caba di ricibi e scoresheetnan.

E ora ei tabata tin 2.10 p.m., es decir cu Sr. Yanchi Arends a ricibi e scoresheetnan entre 2.00 p.m. y 2.10 p.m.!! Pa motivonan imprevisu mi no por a yega na Lago Sport Park prome cu 4.15 p.m., acudiendo na e lugar aki den compania di Sr. Tico Arends, miembro di directiva di Club Caribe. Ora nos a yega Lago Sport Park, Sr. Arends no tabata presente, pasobra mi ta supone lo e tabata ocupa cu e parada di Carnaval di e atardi ei na San Nicolas. Ora cu e parada aki a cuminsa drenta Lago Sport Park pa mas o menos 6.50 p.m., mi a mira e persona di Sr. Daniel Leo, kende riba mi peticion a bin tendi den presencia di Sr. Tico Arends y mi a puntele pa Sr. Arends hayando como contesta cu Sr. Arends lo por yega di un momento pa otro. Provechando e ocasion aki mi a puntra Sr. Leo si e Sra. Fiedeler, cu a actua diabierna anochi como miembro di e jury tabata lei y Sr. Leo a sigurami cu ningun momento e Sra. Fiedeler a presenta e atardi ei na San Nicolas. Despues di a termina mi conversacion cu Sr. Leo, Sr. Tico Arends y mi persona a dirigi nos pa bai para dilanti di e porta di e local di weightlifting di Lago Sport Park, unda e jury di Carnaval di San Nicolas lo mester drenta unda desde luego tambe lo nos mester contra cu Sr. Yanchi Arends.

Por escrito

Pa casi 7.00 p.m., Sr. Yanchi Arends a aparece y inmediatamente mi a punte con a para cu e asunto di e scoresheetnan y kiko nan e Carnaval Comité ta pensa di hasi. Sr. Yanchi Arends den un tono poco amistoso a contesta cu nan no ta hasi nada y si Caribe ke protesta anto Caribe lo mester hasi esei por escrito. Sr. Yanchi Arends a continua bisando: "Ademas for di 1.30 p.m. ami cu e Sra. Fiedeler ta wardabo aki arriba". Riba e ultimo palabranan aki mi a reaccionar bisando na Sr. Arends cu ta masha stranjo cu e y Sra. Fiedeler ta wardabo for di 1.30 p.m. e, Sr. Yanchi Arends, tabata na Wilhelmina Stadion tumando e scoresheetnan for di Sr. Johnny Oduher y si ta e actua ei Carnaval Comité ta tuma, Caribe lo cumpli cu nan deseo (di Carnaval Comité) pa protesta por escrito y tambe lo percura pa duna publicacion na e asunto aki. Despues di esaki Sr. Tico Arends y mi persona a sali pa Oranjestad y for di mi cas pa 7.20 p.m. en punto, mi a yama Aruba Caribbean Hotel pa comunicami pa telefon cu Sra. Fiedeler kende a garantizami cu ningun momento Sr. Yanchi Arends a papia eune tocante e scoresheetnan aki y cu tampoco Sr. Yanchi Arends a pidi pa bai San Nicolas y eei ta e motivo pakiko e no tabata presente na Lago Sport Park e atardi ei. Esaki ta otro prueba cu un bez mas Sr. Yanchi Arends pa un of otro motivo a desvia for di verdad: e prome biaha den e caso di nonbramento di Sr. Mohammed como miembro di e jury y awor den segunde termino pretendiendo cu e y e Sra. Fiedeler tabata wardabo na Lago Sport Park. Te aki a yega e trato verbal entre mi persona como presidente di Club Caribe y Sr. Yanchi Arends, presidente di Central Carnaval Comité Aruba.

Dialuna atardi, dia 25 di Februari '63, directiva di Club Caribe a reuni pa cumpli cu e peticion di Sr. Yanchi Arends, presidente di C.C.C.A., y a worde dieldi pa manda un peticion por escrito na C.C.C.A., pidiendo pa presenta e scoresheetnan di e jury di diabierna anochi, pa nan worde controla pa "dagelijks bestuur" di Club Caribe y pa un representante di cada un di e candidatanan cu a tuma parti den e competicion di Reina di Carnaval di 1963. E suscrito personalmente a post e mencionada carta "registra" diarazon dia 27 di Februari 1963 y e carta aki a worde reclama y recogu pa Sr. Yanchi Arends diabierna dia 28 di Februari.

Pa finaliza mi reportahe tocante e asunto aki cu a bira "the talk of the town", mi ta pidi disculpa na tur e personanan cu nan nomber ta aparece aki den e cu talvez lo no a gusta pa mi menciona nan nomber den e asunto aki, pero pa evita un posibel "redashi" (manera nan di of mi a tende!!), mi a kere mas conveniente procede di e manera aki, asina ta mi ta spera cu e personanan aki lo sabi di acepta mi disculpa.



Esaki ta un portret di e dos cyclistan famoso e Aleman Rudi Altig y e Belg Rik van Looy durante e tour di Europa. Altig a termina prome van Looy segundo.

culpa, pasobra esaki TA E VERDAD NADA MAS CU E VERDAD!

"Last but not least", mi ke terminu retando C.C.C.A., pa pone e scoresheetnan disponible pa vista di publico y e ora ei por worde luzga SI TIN FOUT SI OF NO of si e suscrito aki ta basa su pretencion riba MENTIRA of si su pretension TA VERDAD Y UN HECHO PALPABLE!! Desde luego cu Carnaval Comité por hin cu e "Nauw excuus" cu nan no lo por com-

promete e miembronan di jury pa e "judgemente" hasi na e candidatanan. Esaki por worde hasi publicando e listanan sin menciona e nomber di e jury, pasobra no ta e nomber di e jury ta importante pero ta di SUMA IMPORTANCIA pa informa e publico di Aruba SI TIN FOUT SI OF NO den e "scoresheetnan". No lubida, amigos di C.C.C.A., "VISTA HACE FE!!"

A. B. KUIPERI Jr



E SPIEL MES TA BISA BO ESEI CABA BO TA SINTI BO FELIZ CU Formfit

Damanan cu ta bai segun moda sabi quico ta base pa un bon figura: Formfit proyecta pa Emilio Pucci, e maestro-proyector italiano.



E VIVA panty-girdle aqui ta elegante y e ta pas perfectamente. E linea natural di lomba ta accentua senjal di bo figura. Ideal pa larga bo elegancia femenil sali completamente den su integridad.



Brassiere correspondiente No. 73 — 3/4 cup. Esaki ta di un elegancia realmente risca, e ta duna bo figura sosten y ta accentua bo formanan. Adecuado pa garganta y lomba "bao". Pa damas cu un "flair" pa moda.

Formfit COMPANY
Chicago - New York - Paris - Toronto - London.
DISTRIBUTOR:
ARUBA TRADING COMPANY
NASSAUSTRAT

BO HOROSCOPO PERSONAL

ARIES
21 Maart — 20 April



Awe ta un dia cu bo mester tuma iniciativa, pero convence bo mes prome bo cuminsa.

TAURUS
21 April — 20 Mei



Trala na tene bo mes poco atras awe, sea cu bo prome cu bo actua, anochi te ne cuidao.

GEMINI
21 Mei — 20 Juni



Perecu cu bo no gasta mucho placa awe, bo lo conoce un hende importante den bida social.

CANCER
21 Juni — 22 Juli



Busca contacto cu hendenan importante y superioran, nan por haci hopi pa bo awe.

LEO
23 Juli — 22 Augustus



Oranan di mainta por tresa un noticia importante, otronan lo kider juda bo, por solicita.

VIRGO
23 Augustus — 22 September



No fia placa mucho pura awe sea realistico y solido. Aventuranan amoroso por costa hopi placa.

LIBRA
23 September — 22 Oktober



Laga otronan haci e prome paso. Ta masha importante pa bo mantene bo relacionnan bon.

SCORPIO
23 Oktober — 22 November



Awe un idea original lo produci exito, busca algo nobo den bo trabao of den bo negoshinan.

SAGITARIUS
23 November — 21 December



Por bini un problema chikito den bo relacionnan na cas. Aspeccionan ta bo pa trabao creativo.

CAPRICORNUS
22 December — 19 Januari



Tene un bon bista riba e personanan stima, sea tactica y protegi bo derechonan.

ACUARIUS
20 Januari — 18 Februari



Awe lo bira un dia ocupa pa bo amigunan, por causa estorbo, ne cuenta cu e sey.

PISCES
19 Februari — 20 Maart



Aspectonan di ayera ta sigui awe, busca modo di spaar placa, aumenta bo tradanan.

BUCHI ROBEZ presenta pa cortesia di: **REFRESQUERIA INGRID** TEL. 1849

★ e mehor adres pa snacks, tur clase di dushi, softdrinks, ice-cream y revistas



NORUEGA Y E FORZA NUCLEAR DI NAVO

OSLO, 20 maart. — Halvard Lange, minister di asuntunan exterior di Noruega — a bisa awe prome cu su salida pa Washington, cu Noruega lo no por participa na un forza nuclear multilateral di NAVO. Lange lo delibera na Washington cu president Kennedy y otro funcionarios Mericano.